



## BENVIDOS CURSO 2021/2022

Empezamos este novo curso coa mesma ilusión de sempre, sabendo que a pesar das dificultades que conleva a pandemia, os protocolos funcionan, e a vida nas aulas ten un certo aire de "normalidade": ilusión por aprender, risas, xogos, traballo...

Seguiremos traballando entre todos para que isto siga sendo así.

Presentación do profesorado:

- 3 anos: Chiqui
- 4 anos A: Marga
- 4 anos B: Yolanda
- 5 anos: Laura
- Apoio e pscomotricidade: Juani
- Relixión: Toni
- Inglés: Rosa

# **POR FAVOR, LEDE ATENTAMENTE AS INDICACIÓNS QUE CONTÉN ESTA CIRCULAR!!**

## **1.- COMEZO DAS CLASES E HORARIOS:**

**3 ANOS:** horarios e días de asistencia ao centro segundo se indicará no período de adaptación, que estará exposto no taboleiro será enviado ás familias por correo electrónico.

**4 ANOS:** día **9 de setembro**, en horario de 9.00h a 13.50.

**5 ANOS:** día **9 de setembro**, en horario de 9.00h a 13.55.

**VER PROTOCOLO DE ENTRADAS E SAÍDAS DE EDUCACIÓN INFANTIL (pax.33 e 34), E DE ALUMNADO TRANSPORTADO (pax.28)**

### **Terán que traer unha mochila con:**

- Alimento para media mañá.
- Botella de auga.
- Máscara de reposto dentro dun portamáscaras.
- Portamáscaras baleiro para gardar a máscara sucia, en caso de que esta sexa reutilizable.

**TODO O QUE TRAIAN NA MOCHILA DEBERÁ VIR MARCADO CO SEU NOME, PARA EVITAR POSIBLES CONFUSIÓNS!!**

*Botellas, paquetes de galletas, caixiñas con comida, envoltorios, iogures, máscara, portamáscara... TODO!!*

O **servizo de comedor** estará aberto desde o día **9 de setembro**. A hora de saída é ás **15.00h** e as familias recollerán ao alumnado non transportado pola porta dereita do patio.

## **2.-PROTOCOLO COVID:**

É moi importante que todas as familias **lean con calma o protocolo**. Tomen nota dos aspectos que lle afectan directamente, e cumpran con todas as indicacións. Preguntade sempre calquera dúbida que poida xurdir.

### **3.-COMUNICACIÓN COAS FAMILIAS:**

Toda a información de interese sobre o colexio, será publicada na **páxina web do centro**, que deberá ser revisada a diario por posibles cambios no protocolo ou notificacións urxentes

A relación coas familias farase fundamentalmente a través do correo electrónico e do teléfono.

A maiores, cada familia terá que ter instaladas as seguintes aplicacións gratuítas:

- CISCO WEBEX: para facer videoconferencias, tanto para facer as titorías, como para estar en contacto cos nenos en caso de confinamento. Pode instalarse tanto no móbil coma no ordenador (*para videoconferencias colectivas recomendamos a utilización no ordenador*).
- ABALAR MÓBIL: Aplicación da Xunta de Galicia, para recibir comunicacións dos titores, mensaxes de interese, ver publicadas as notas de cada avaliación...
- CLASS DOJO: para facer un seguimento da evolución do voso fillo na aula, recibir información, imaxes... Moi útil, tanto cando a clase sexa presencial, como en caso de confinamento, para recibir instrucións e suxerencias de traballo na casa. (*pódese utilizar no móbil e no ordenador*).  
Para a utilización desta aplicación recibiredes información máis precisa.

**Estas aplicacións terán que estar activas o máis pronto posible, xa que segundo instrucións da Xunta de Galicia, a finais do mes de setembro teñen que estar en pleno funcionamento, despois de comprobar e solucionar dificultades que se poidan presentar.**

### **4.- NORMAS XERAIS:**

- A hora de **entrada ao colexio** será as **9:00 h.** Pregamos a máxima puntualidade. Cando teña entrado todo o alumnado de Infantil pecharanse as portas de acceso ao centro, e soamente se poderá acceder, chamando ao timbre da porta principal.  
O familiar terá que pasar por conserxería e dende alí o persoal do centro levará ao neno/a á súa aula. Se o retraso é considerable, o familiar terá que cubrir un xustificante que se lle facilitará en conserxería ou secretaría.

- Se por motivos excepcionais algún neno/a tivera que **incorporarse máis tarde** ao centro, recoméndase que agarde á hora do recreo (de 11:45 a 12:15). Se por calquera motivo tivera que ausentarse dentro do horario, a persoa que o recolla deberá cubrir un xustificante na conserxería ou secretaría.
- **Este curso NON SE UTILIZARÁ MANDILÓN por razóns de hixiene:** deberán vir vestidos **todos os días** con roupa cómoda.

#### A VESTIMENTA IDEAL SERÍA:

- Chándal con chaqueta de cremallera.
- Pantalón con goma elástica, sen cordóns atados.
- Calzado de velcro.

#### ¡¡TODA A ROUPA DEBERÁ VIR MARCADA CO SEU NOME!!

- Referido á **mochila**, hai cambios respecto ao curso pasado. Este curso poderá ser **do modelo que queirades, pero que nela caiba un portafolios tamaño folio**, para poder levar a casa notas e traballos sen ter que dobralos ou estragalos. A mochila será sempre **SEN RODAS!!** Por suposto, vale a mesma mochila do curso pasado.
- **Para a media mañá**, na mochila, traerá unha botella de auga, tamén co nome e un pequeno tentempé. Recomendamos que o alimento que traian ao cole siga as instrucións do **MENÚ SAUDABLE** :

#### MENÚ SAUDABLE

**LUNS:** elección libre entre os menús propostos o resto da semana.

**MARTES:** lácteo, queixo, iogur (non traer bebible tipo "actimel")

**MÉRCORES:** bocadillo

**XOVES:** froita fresca, froitas deshidratadas...

**VENRES:** galletas, cereais.

*\*O alumnado de 5 anos recibirá información de modificacións que se farán respecto deste menú*

- Os nenos/as que nalgún momento presenten un **problema de incontinencia**, chamarase a casa para que os veñan a cambiar. A persoa que veña cambiar ao neno/a terá que pasar por conserxería e de alí será acompañado á sala habilitada para a situación.
- Durante este curso ou mentres dure a situación de alarma sanitaria, **non celebraremos os aniversarios do alumnado na aula.**
- A hora de **titoría será os luns de 15:00h a 16:00h**. O protocolo da Xunta recomenda que este curso se fagan de xeito telemático, por videoconferencia, ou por teléfono.  
Se tivera que ser presencial, realizariámola nun espazo habilitado para a ocasión.  
Poderedes falar tanto coa titora como con calquera dos profesores que lles dan clase aos vosos fillos.

**Pregamos de xeito especial que ante calquera dúbida, malentendido... se fale directamente coa titora.**